

आकाशवाणी

खास-खास खबरां

1. प्रधानमंत्री नरेन्द्र मोदी होरें भारत च बने दे थेआरें ते तकनीक दा इस्तेमाल करियै आतंकवाद दे ठकाने सरीकता कन्नै तबाह् करने लेई भारती सेना दी सराहना कीती।
2. आकाशवाणी परां प्रसारत मन की बात प्रोग्राम च प्रधानमंत्री नरेन्द्र मोदी होरें आखेआ आपरेशन सिंदूर नै पूरी दुनिया थमां आतंकवाद दे खात्मे लेई शुरू कीती गेदी लड़ाई लेई इक नमां आत्मविश्वास ते जज्बा पैदा कीता ऐ।
3. राष्ट्रीय जनतांत्रिक गठबंधन एनडीए दे मुखमंत्रिएं ते उपमुखमंत्रिएं कन्नै अज्ज नमीं दिल्ली च लाई दी इक दिने दी बैठक दी अध्यक्षता कीती।
4. राष्ट्रीय जनता दल दे अध्यक्ष लालू प्रसाद यादव होरें अज्ज अपने बड्डे पुत्र तेज प्रताप यादव होरें गी हुंदे माड़े आचाण करी 6एं ब'रें लेई पार्टी थमां निष्कासित करी ओड़ेआ ऐ।
5. ईरान दे फिल्म निदेशक जफर पैनाही होरें गी कॉन फिल्म उत्सव च शीर्ष पुरस्कार कन्नै सम्मानेआ गेआ ऐ।
6. हिमाचल प्रदेश दे कुल्लू च जगातखाना थाहर बद्दल फट्टने करी हाड़ आई गेआ।

<><><><><><>

Man Ki Baat

प्रधानमंत्री नरेन्द्र मोदी होरें अज्ज आकाशवाणी थमां प्रसारत अपने म्हीनेवार रेडियो कार्यक्रम मन की बात च बोलदे होई आखेआ जे अज्ज समूलचा देस आतंकवाद खलाफ इकजुट ऐ, गुस्से कन्नै भरोचे दा ऐ ते इसी सनें जडें खत्म करने लेई वचने बज्जे दा ऐ। उनें गलाया जे आपरेशन सिंदूर दरान साढे बलें जेड़ी दिलेरी, जेहड़ा पराक्रम दस्सेआ, उनें हर भारतीय दा सिर मान कन्नै उच्चा करी दित्ता ऐ। श्री मोदी होरें आखेआ जे आपरेशन सिंदूर शड़ा इक फौजी मिशन नेई ऐ सगुआं एह साढे धेइयै, दलेरी ते बदला'रदे भारत दी तसवीर ऐ ते इस तस्वीर नै समूलचे देसै गी देश भक्ति दे रंगे कन्नै रंगी दित्ता, तिरंगे च रंगी दित्ता ऐ। बक्ख-बक्ख शैहरें कस्बें च कड्डी जा'रदियां तिरंगा यात्रा दा जिक्र करदे होई प्रधानमंत्री होरें आखेआ जे इनें यात्राएं, सिविल डिफेंस स्वयंसेवी बनने आस्तै नोजवानें दे जोश जज्बे दा

कोई जवाब नेई ऐ। उनें इे मजेदार गल्ल सांझी करदे होई आखेआ जे बिहार दे करिहार, उत्तर प्रदेश दे कुशीनगर च ते होर बी केई शैहरें च उस दरान जन्म लैने आले बच्चें दा नां सिंदूर रखेआ गोआ ऐ। आपरेशन सिंदूर दे लोकें गी किस चाल्ली प्रभावत कीता ऐ, ओहदा सबूत इस गल्ला थमां थहोंदा ऐ जे किश लोकें आखेआ जे अस अपने न्याणे गी भारत च गै बने दे खडोने लेइयै देगे, किश परोआरें सगंध लैती जे ओ अपनियां छुट्टियां देसै दी कुसै सनाकड़ी थाहर पर गुजारगे ते नेकें नोजवानें वेड इन इंडिदा सकल्प लैता। उनें गलाया इस्सै चाल्ली दी साढी इक गै भारत दी तरक्की च योगदान देई सकदी ऐ। इक आम जनेई बस लोकें गी किन्नी खुशी देई सकदी ऐ इस बारे खुलासा करदे होई श्री मोदी होरें महाराष्ट्र दे इक जिले गढ़चिरौली दे ग्रां काटेझरी दा जिक्र कीता जित्थें पैहली बारी इक बस पुज्जियै ग्रां माओवादी हिंसा कन्नै प्रभावत हा। पर हुन उत्थें हालात तेजियां कन्नै सामान्य होआ करदे न ते लोकें तगर बुनियादी सहूलतां पुज्जन लगियां न। हाल च गै घोषित कीते गेदे 10मीं ते 12मीं जमातदे छत्तीसगढ़ राज्य दे दंतेवाड़ा जिले दे बेहतर नतीजे पर संदोख प्रगट करदे होई प्रधानमंत्री होरें आखेआ सोचो जिस दंतेवाड़ा च कदें माओवाद चरम पर हा उत्थें अज्ज शिक्षा दा परचम लैहरा करदा ऐ। शैहरे दी कुल गिनतरी बघने बारे दस्सदे होई गलाया जे हुन इत्थें शैहरे दी गिनतरी पैहले दे मकाबले 674 थमां बघियै 891 होई गई ऐ। श्री मोदी होरें अपने सनेए दी गल्ल दरान पेशे थमां वैटनरी डाक्टर चेवांग नोटबू भूटिया दा जिक्र कीता जिनें सिक्किम दी बुनाई कला गी नमां आयाम दिंदे होई इसी क्राफिटड फाइबर राएं अज्जै कल्लै दे दौर आले फैशन कन्नै जोड़ेआ। प्रधानमंत्री होरें 21 जून गी मनाए जाने आले अंतर्राष्ट्रीय योग दिवस पर विशाखापत्तनम च अपनी हिस्सेदारी दा ऐलान कीता। उनें योग गी ग्राएं तगर लेइ जाने दिएं कोश्टें दी सराहना कीती। श्री मोदी होरें कागज दे कचरे बारे लोकें दा ध्यान दोआंदे होइ आखेआ जे इक टन कागज दी रीसादकलिंग कन्नै 17 दरख्त बडोने थमां बचदे न ते ज्हारां लीटर पानी दी बचत होंदी ऐ।

<><><><><><>

PM-NDA Meet

प्रधानमंत्री नरेन्द्र मोदी हुंदी अध्यक्षता च अज्ज नमीं दिल्ली राष्ट्रीय जनतांत्रिक गठबंधन एनडीए दे मुखमंत्रिं ते उपमुखमंत्रिं दी इक दिने दी बैठक लगगी। बीजेपी दे सुशासन विभाग आस्सेआ आयोजित इस बैठक च सुशासन दे मुद्दें पर चर्चा कीती गई। बैठक च बीजेपी अध्यक्ष जे.पी.नड्डा, गृहमंत्री अमित शाह ते रक्षा मंत्री राजनाथ सिंह होरें बी हिस्सा लैता। एनडीए शासत सब्बने 20एं राज्यें दे 20एं मुखमंत्रिं ते 18एं उपमुखमंत्रिं सुशासन दे मुद्दें पर चर्चा कीती। बैठक मगरा पत्रकारें कन्नै गल्ल करदे होई बीजेपी अध्यक्ष जे.पी. नड्डा होरें आखेआ जे इस बैठक च दो प्रस्ताह पास कीते गे जिंदे चा पैहला प्रस्ताह

आपरेशन सिंदूर दी सफलता दे बारे च हा ते दूआ प्रस्ताह जाति गणना कराने दे सरकार दे फैसले बारे हा।

<><><><><><>श

Bihar Lallu

बिहार च इक सियासी घटनाक्रम च राष्ट्रीय जनता दल दे अध्यक्ष लालू प्रसाद होरें अज्ज अपने बड्डे पुत्र ते साबका मंत्री तेज प्रताप यादव होरें गी गैर मुनासब गतिविधि दे गैर जिम्मेदराना व्यवहार करी पार्टी थमां 6एं ब'रें लेई निष्कासित करी ओड़ेआ ऐ। उनें एहदी जानकारी सोशल मीडिया राएं दित्ती। एहदे शा पैहले श्री तेज प्रताप हुंदी कथित महिला साथन कन्नै सरबंधत पोस्ट सोशल मीडिया पर वायरल होने करी विवाद पैदा होई गोदा हा। पार्टी अध्यक्ष लालू प्रसाद यादव होरें आखेआ जे तेज प्रताप यादव हुंदा आचरण, परिवार दे मुल्लें ते पार्टी दे सिद्धांते दे खलाफ ऐ। लालू प्रसाद यादव हुंदे निक्के पुत्र ते विधानसभा च विपक्ष दे लीडर तेजस्वी प्रसाद यादव होरें इस निर्णे दा समर्थन कीता ऐ।

<><><><><><>

By Polls

चुनां आयोग नै गुजरात, केरल, पंजाब ते पच्छम बंगाल दे 5एं असेंबली हल्के लेई उप-चुनाएं दी घोषणा कीती ऐ। इस सरबंधे च कल नोटिफिकेशन जारी कीती जाग ते अगले म्हीने दी 2 तरीकै तोड़ी नामांकन भरे जाई सकगंन। 3 जून गी नामांकन पत्रें दी जांच कीती जाग। मेदवार 5 जून तगर अपना नामांकन परताई सकदे न। चुनां 19 जून गी करोआए जांगन ते वोटें दी गिनतरी 23 जून गी कीती जाग।

<><><><><><>

APD

कांग्रेस सांसद शशि थरूर हुंदी अगुवाई च अमरीका गोदे प्रतिनिधिमंडल नै इस गल्लै दा जिक्र कीता जे भारत आस्सेआ पहलगाम आतंकी हमले मगरा किस चाल्ली पाकिस्तान च आतंकी ठकाने सदर दफतरें ते लांच पैड्स पर सटीक ते संतुलित कारवाई कीती गई। साढ़े संवाददाता नै दस्सेआ जे भारत थमां इक सर्वदलीय प्रतिनिधिमंडल न्यूयार्क पुज्जा, जित्थें ओ आतंकवाद दे हर स्वरूप खलाफ भारत दे इकजुटता ते पक्के धैइयै ते पूरी ताकत कन्नै लड़ने दे आह्वान गी उजागर करगंन। आतंकवाद खलाफ भारत दे संदेश गी दुनिया तगर पजाने लेई राष्ट्रवादी कांग्रेस पार्टी दिएं सांसद सुप्रिया सुले हुंदी अगुवाई च इक दुआ सर्वदलीय

गडिडएंग गी नुक्सान पुज्जा ऐ। इलाके दे केइएंग मकाने च पानी बडी गेआ जेह्दे नै बडा नुक्सान होआ ऐ। उेनगडा पौने करी, सेअऊ दी फसले गी बी नुक्सान पुज्जा ऐ। प्रशासन नै मौसम गी ध्यानै च रखदे होई स्थानीय लोकें ते सैलानिएंग गी दरेयाएंग नालें थमां दूर रौहने दी सलाह् दित्ती ऐ।

<><><><><><>

Indian Navy

भारती नौसेना दे समुंद्री ज्हाजै आईएनएस सुजाथा नै अज्ज लाइबेरिया दे झंउे आला कंटेनर जहाज एमएससी/ईएलएसए-3 गी ते एह्दे त्रऊं क्रियू मिंबरें गी डुब्बने थमां बचाई लेआ ऐ। एह् वेस्सल कोच्चि थमां विजिन्जम जा'रदी ही, जेह्डा त्रिरूअनन्तपुरम दे कोल ऐ। कल वेस्सल थमां 21एंग क्रियू मिंबरें गी बचाई लैता गेआ हा, जिनेंगी तटरक्षक घाट पर लेता जा'रदा ऐ, जिसलै के कप्तान ते त्रऊं होर क्रियू सदस्यें गी कोच्चि च भारती नौसेना दे घट पर लेता जा'रदा ऐ।

<><><><><><>

Tennis

फ्रेंच ओपन टेनिस अज्ज पेरिस, फ्रांस च शुरू होआ'रदी ऐ। वरिष्ठ टेनिस खडारी रोहन बोपन्ना, यूकी भांबरी, एन. श्री रामा बालाजी ते रिथविक चौधरी बालीपल्ली मद्रें दे दौहरे मकाबले च भारत दा प्रतिनिधित्व करगंन।

<><><><><><>

Jatinder

विज्ञान ते प्रौद्योगिकी दे केन्द्रीय राज्य मंत्री डॉ. जितेन्द्र सिंह होरें अज्ज गांधीनगर च सिविल सोसायटी कन्नै बैठक लाई। बैठक च चैंबर ऑफ कामर्स, वेयरहाउस फैंडरेशन, रघुनाथ बाजार एसोसिएशन, बॉर एसोसिएशन सनें सिविल सोसायटी दे होर केई संगठनें हिस्सा लैता। बैठक दी शुरूआत च किट्टे होए दे सब्बै जनें आपरेशन सिंदूर दी कामयाबी आस्तै इक दुए गी मुबारकबाद दित्ती। एह्दे बाद सब्बै जनें पहलगाम आतंकी हमले मगरा जम्मू च सैलसफा पर पेदे माड़े प्रमाह् बारे चर्चा कीती। जेह्दे कन्नै सैलसफा सरबंधी मकामी हितधारकें दी औंदन पर खासा असर पेआ ऐ।

<><><><><><>

Doda Internet Service

सरकारै डोडा जिले दे भद्रवाह दे किश हिस्सें च मोबाईल इंटरनेट सेवा गी 27 मई तोहड़ी आरजी तौर पर बंद करी दित्ता ऐ। एह फैसला राष्ट्र बरोधी तत्वे आसेआ सार्वजनिक बवस्था च बगाड़ पाने दे मकसद कन्ने मोबाईल इंटरनेट दे माड़े इस्तेमाल दी शँका दे मद्देनजर लैता गेआ ऐ। आकाशवाणी दे जम्मू संवाददाता दी रिपोर्ट मूजब, गृह विभाग नै आखेआ ऐ जे जम्मू जोन दे आईजीपी भीम सेन टूटी हुं'दे निर्देशे पर 37 मोबाईल टॉवरें पर मोबाईल इंटरनेट सेवा ते सार्वजनिक वाई-फाई सेवा गी मुअत्तल करी दित्ता गेआ ऐ। हुक्मै मूजब, देसै दी संप्रभुता ते अखंडता, प्रदेश दी सुरक्षा ते सार्वजनिक बवस्था बनाई रक्खने दे मकसद कन्ने मोबाईल इंटरनेट सेवा गी आरजी तौर पर बंद करने दा एह फैसला लैता गेआ ऐ।

<><><><><><>